

龔定盦全集

定盦文集補總目

續錄

文八首

古今體詩

破戒草上卷

破戒草之餘下卷

雜詩

三百十五首

詞選

無著詞

懷人館詞

影事詞

小奢摩訶

庚子雅詞

定盦文集補目錄

蒙古字類表序

蒙古氏族表及在京氏族表總序

蒙古冊降表序

上清真人碑書後

秦泰山刻石殘字跋尾

支那古德遺書序

重輯六妙門序

重刊圖覺經畧疏後序

定盦文集

仁和龔自珍撰人饌

古今體詩上卷

破戒草

辛巳

能令公少年行

有序

序曰龔子自禱斬之所言也雖弗能遂酒酣歌之可以怡魂而
澤顏焉

蹉跎序公公今言愁愁無終公毋哀吟姬姪聲沈空酌我五石
雲母鍾我能令公顏丹髣綠而與年少爭光風聽我歌此勝絲
桐韶毫署年年甫中箸書先成不朽功名驚四海如雲龍攫筆
不定光影同徵文攷獻陳禮客飲酒結客橫才鋒逃禪一意皈
宗風惜哉幽情麗想銷難空拂衣行矣如奔虹太湖西去青青
峯一樓初上一閣逢玉簫金瑤東山東美人十五如花穠湖波

如鏡能照容山痕宛宛能助長眉丰一索鈿盒知心同再索班
管知才工珠明玉煖春朦朧果飲楚詞兼國風深吟淺吟態不
同千篇背盡燈玲瓏有時言尋縹緲之孤蹤春山不妬春裙紅
笛聲叫起春波龍湖波湖雨來空濛桃花亂打蘭舟篷煙新月
舊長相從十年不見王與公亦不見九州名流一刺通其南隣
北舍誰歎相過從痾瘵丈人石戶農嶽崎楚客窈窕吳儂敲門
借書者釣翁探碑學搗者溪僮賣劍買琴鬪瓦輸銅銀針玉薤
芝泥封秦延漢密齊梁工佉經梵刻著錄重千番百軸光能能
奇許相借錯許攻應客有元鶴驚人無白驄相思相訪溪回與
谷中采茶采藥三三兩兩逢高譚俊辨皆沈雄公等休矣吾方
慵天涼忽報蘆花濃七十二峯峯峯生丹楓紫蟹熟矣胡麻饌
門前釣榜催詞笛余方左拙豪右按譜高吟角與官三聲兩聲

權唱終吹入浩浩蘆花風仰視一白雲卷空歸來料理書燈紅
茶煙欲散鬢鬟濃秋肌出釧涼瓏鬆夢不墮少年煩惱叢東僧
西僧一杵鐘披衣起展華嚴箇噫噉少年萬恨填心胸消災解
難疇之功吉祥解脫文殊童著我五十三參中蓮邦縱使緣未
通它生且生兜率宮

寥落

寥落吾徒可奈何青山青史兩蹉跎乾隆朝士不相識無故飛
揚入夢多

暮雨謠三疊

不雨憐生草曾親擷翠人林塘三百步車去竟無塵
雨氣侵羅襪泥痕點畫裳春陰太蕭瑟歸費夕鑪香
想見明燈下簾衣一桁單相思無十里同此鳳城寒

城北廢園將起屋雜花當楣施斧斤焉與馮舍人啟素
過而哀之主人諾馮得桃余得海棠作救花偈示舍人
門外閒停油壁車門中雙玉降臣家因緣指點當如是救得人
間薄命花

東陳碩甫與并約其偕訪歸安姚先生

中夜慄然懼沈沈生髻絲開門故人來驚我容顏羸霜雪滿天
地子來甯無饑且坐互相視冰落須與眉

切切兩不已喁喁心腑溫自入國西門此意何曾不入我客心
苦驅我真氣還華冠闐然入公等何所論

進退兩無依悲來恐速老愁魂中夜馳不如起爲道枯庵有一
土長貧顏色好避人偕訪之一覲永相保

冬日小病寄家書作

黃日半窗煖人聲四面希錫簫咽窮巷沈沈止復吹小時聞此
聲心神輒爲疑慈母知我病手以棉覆之夜夢猶呻寒投於母
中懷行年迨壯盛此病恆相隨飲我慈母恩雖壯同兒時今年
遠離別獨坐天之涯神理日不足禪悅詎可期沈沈復悄悄擁
衾思投誰

子每聞斜日中簫聲則
病莫喻其故附記於此

夜讀番禺集書其尾

靈均出高陽萬古兩苗裔鬱鬱文詞宗芳馨聞上帝
奇士不可殺殺之成天神奇文不可讀讀之傷天民

又書一首

卷中覲幽女悄坐憺妝束豈無紅淚痕掩面面如玉

夜直

天西涼月下 宮門夕拜人來第一番蠟燭飽看前輩影屋梁

高待後賢捫

累朝硃簽及
皮牀頂須梯而升皆史官底本也

沈吟章草聽鐘

漏迢遞湖山赴夢魂安得上言依漢制詩成侍史佐評論

賦得香

我有香一段煎熬剗斲成德堅能不死心苦惜無名大玉煩同
薦羣靈感至誠偶留閨閣愛結習媿平生

奴史問答

朝薜一卮五百學士偷文詞暮酒一杓四七辨士記厓畧長眉
寫書小史云主人者誰入亦無姝出亦無車一史致詞出無車
迷不知東街與西街懷中墮出西海圖入無姝但見瑤琴惜惜
紅燭華都主人中夜起彈琴對燭神脚蹠隣宅大夫私問奴星
主人者誰朝誦聖賢文夕誦聖賢文奴言從主人一紀有餘主
人朝癯夕腴夕腴朝又癯尙不見主人之眉髮美與醜惟聞喃

喃喃呢朝誦貝葉文夕誦貝葉文比來長安出亦無車入亦無
殊日籍酒三五六斤苦薺亦三斤長安無客不蹋主人門客稱
主人人一喙不知主人誰喜誰所瞋歲星在前奴在後又聞昨
夜宅神巷鬼言包山老龍饒不得歸譚破長安萬張口萬張口
奴皆聞之奴能祿天九祿地九能使梭化龍而雷飛石赴波而
海走又能使大荒之山麒麟之角移贈狗奴不信主人行藏似
誰某

辛巳除夕與彭同年蘊章同宿道觀中彭出平生詩讀
之竟夜遂書其卷尾

亦是三生影同聽一杵鐘挑燈人海外拔劍夢魂中雪色憺恩
怨詩聲破苦空明朝客盈座誰信去年蹤

壬午

桐君仙人招隱歌

有序

吳舍人

嵩梁

嘗與婦蔣及兩姬人約偕隱桐江之九里梅花村不能果也顏京邸所居曰九里梅花村舍以自慰藉嘗以春日駟車枉存道觀因獻此詩蓋代山靈招此三人也

春人畫夢梅花眠醒聞雜佩聲璆然初疑三神山影落窗戶何娟娟又疑三明星灼灼飛下太乙船三人皆隸桐君仙山靈一謫今千年胡不相逢桐江之濱理釣舷又胡不采藥桐山顛乃買黃塵十丈之一鄧及書大署庭之榜梅花九里移幽燕毋乃望梅止渴梅所憐過從誰歟客盈千一客對之中惓惓亦有幻境胸纏繚心靈構造難具宣乃在具區之西莫撻之北大小龍渚相毘連自名春人塢樓臺窈窕春無邊俛臨太湖春水闊仰見縹渺晴空懸中間紅梅七八九輪囷古鐵花如錢兩家息壤

殊不遠江東浙東一權堪洞沿相嘲相怨亦有年今朝筆底東
風顛請爲莫釐龍女破顏曲換我桐君仙人招隱篇相靳相禱
春陽天開簾送客一愉悅簾外三日生春煙

漢朝儒生行

一

漢朝儒生不青紫二十高名動都市易通田何書歐陽三十方
補掌故史門寒地遠性儻蕩出門無階媚天子會當大河決酸
棗願入薪樵三萬矢路逢絳灌拜馬首拜則榮辟人不喜歸來
仰屋百喟生著書時時說神鬼生不逢高皇罵儒冠亦不遇霸
陵輕少年愛讀武皇傳不遇武皇祠神仙神仙解詞賦大人一
奏凌雲天枕中黃金豈無藥更生誤讀淮王篇自言漢家故事
網羅盡胸中語秘世莫傳畧傳將軍之客數言耳不惜箝我歌
當筵一歌使公思再歌使公悟我歌無罪公無怒漢朝西海如

郡縣蒲萄天馬年年見匈奴左臂烏孫王七譯來同藁街宴武
昭以還國威壯狗監鷹媒盡邊將出門攘臂攫牛羊三載踐夷
馘沮喪三十六城一城反都護上言請勤遠期門或怒或陰喜
喜者何心怒則憤關西籍甚良家子廿年久縮軍符矣不結椎
埋兒不長鳴珂里聲名自震大荒西飲馬昆侖盪海水不共到
支生願逐樓蘭死上書初到公卿驚其言將軍宜典兵麟生鳳
降豈有種况乃一家中國猶弟兄旌旗五道從天落小印如斗
大如斛盡隸將軍一臂呼萬人側目千人諾山西少年感生泣
羽林羣兒各努力共知漢主拔孤根坐見孤根壯劉室不知何
姓小侯曠不知何客碁將軍將軍內顧忽疑懼功成定被他人
分不如自親求自附飛書請隸嫖姚部上言乞禁兵下言避賢
路笑比高皇十八侯自居蟲達曾無羞此身願蔽關內老黃金

百斤聊可保嗚呼漢家舊事無人知南軍北軍頗有私北軍似
姑南似嫂嫂疏姑戚羣僮窺可憐舊事無人信門戶千秋幾時
定門戶原非主上心誅蕩吾知漢皇聖是時書到甘泉夜荅詔
裴衷未輕下密問三公是與非沮者不堅語中罷庾詞本冀公
卿諒未議微聞道塗罵拙哉某將軍非火胡自焚非蠶胡自縛
非蠶胡自螫有舌胡自擣有臂胡自擊軍至矣刺史迎肥牛之
隄萬鎊烹軍過矣掠童女馬踏燕支賤如土嬴家長城如一環
漢家長城衣帶間嬴家正爲漢家用坐見入關仍出關入關馬
行疾出關馬無力丞華廐裏芝草稀水衡金賤苦乏絕卜式羊
蹄尙無用相如黃金定何益珠珪可棄例棄之夜過茂陵聞太
息漢家廟食果何人未必衛霍無儕倫酌金失侯亦有命人生
那用多苦辛噫噫人生那用長苦辛勿向人間老老閱風霜亦

枯槁千尺寒潭白日沈將軍之心如此深後世讀書者毋向蘭臺尋蘭臺能書漢朝事不能盡書漢朝千百心儒林丈人識此吟

投宋于庭

翔鳳

遊山五嶽東道主擁書百城南面王萬人叢中一握手使我衣袖三年香

投包春伯

世臣

鄭人能知鄧析子黃祖能知禰正平乾隆狂客發此議君復掉罄今公卿

東秦敦夫編修二章

有序

辛巳秋始辱編修惠訪余居歲餘無三日不相見編修固乾隆朝耆舊也閱人多心光湛然而氣味沈厚溫溫然耐久長適其

家有漢物二故遂假譬喻之詞爲二詩以獻亦冀讀余詩者想見其爲人

君家有古鏡曾照漢時妝三日不相見思之心何惶願身爲鏡
綴護此千歲光

鏡

君家有熏鑪曾熏漢時香三日不摩挲浩碧生微涼願身爲鑪
煙續續君子旁

熏鑪

餽餽謠

父老一青錢餽餽如月圓兒童兩青錢餽餽大如錢盤中餽餽
貴一錢天上明月瘦一邊噫市中之餽兮天上月吾能料汝二
物之盈虛兮二物照我爲過客月語餽餽圓者當缺餽餽語月
循環無極大如錢當復如月圓呼兒語若後五百歲俾飽而元
孫

送劉三

劉三今義士，婉殺讀書人。風雪銜盃罷，關山拭劍行。英年須閱歷，俠骨豈沈淪。亦有恩仇託，期君共一身。

黃犢謠一名佛前謠一名夢爲兒謠

黃犢躑躅不離母，腹躑躅何求。乃不如犢牛一解

晝則壯矣，夜夢兒時。豈不知歸爲夢中兒二解

無聞於時，歸亦汝怡。矧有聞於時，胡不知歸三解

歸實阻我求佛，其可念佛。夢醒佛前涕零四解

佛香漠漠，願夢中人安樂。佛香亭亭，願夢中人苦辛。苦辛恆同

樂亦無窮五解

噫嘻噫嘻，歸苟樂矣。兒出辱矣，夢中人知之。佛知之，夙矣六解

十月廿夜大風不寐起而書懷

西山風伯驕不仁，號如醉虎馳如輪。
排闥絕塞忽大至，一夕炭價高千緡。
城南有客夜兀兀，不風尚且淒心神。
家書前夕至，憶我人海之一鱗。
此時慈母擁燈坐，姑倡婦和雙勞人。
寒鼓四下夢我至，謂我久不同艱辛。
書中隱約不盡道，惚恍懸揣如聞呻。
我方九流百氏譚，讌罷酒醒炯炯神。
明眞貴人一夕下，飛語絕似風伯驕。
無垠平生進退兩顛簸，詰屈內訟知緣因。
側身天地本孤絕，矧乃氣悍心肝淳。
欹斜謔浪震四坐，卽此難免羣公牘。
名高謗作勿自例，願以自訟上慰平生親。
縱有噫氣自填咽，敢學大塊舒輪囷。
起書此語燈燄死，狸奴瑟縮偎幃茵。
安得眼前可歸竟，歸矣風酥雨膩江南春。

女士有客海上者，繡大士像而自繡己像。
禮之又繡平生詩數十篇綴於尾。

珠簾翠幙栖嬋娟不聞中有堅牢仙美人十五氣英妙自矜辨
慧能通禪遂挾奇心恣縹緲別以沈痼搜纏縣吟詩十九作空
語夙生入夢爲龍天妝成自寫心所悟宗風窈窕非言詮維摩
昨日扶病過落花正遶蒲團前欲罵綺語心未忍自顧結習同
無邊散花未盡勿饒舌待汝撒手歸來年

李復軒秀才

學瑣

惠序吾文鬱鬱千餘言詩以報之

李家夫婦各一集數典唐宋元明希婦才善哀君善怒哀以沈

造怒則飛君配婦夫人著詩千餘篇

江郎昨日罵金粉謂爾難脫千生轡其

言往往俊傷骨歲宴懷哉共所歸

江鐵君嘗勸君夫婦學道看內典慮君之不能從也

癸未

寄古北口提督楊將軍

芳

絕塞今無事中原況有人昇平閒將畧明哲保孤身莫以同朝

臣將請帝之息壤慚媿飄零未有期萬一飄零文字海他生重
定定庵詩

自癸未七月至乙酉十月以居憂無詩自記

乙酉

補題李秀才

增厚

夢遊天姥圖卷尾

有序

夢遊天姥圖者崑山李秀才以嘉慶丙子應北直省試思親而
作也君少孤母夫人鞠之平生未曾一朝夕離以就婚應試往
返半年而作是圖圖中爲夢魂所經山殊不類鏡湖山之狀其
曰天姥者或但斷取字義非太白詩意也越九年乙酉屬余補
爲詩書於幀尾時母夫人辭世已年餘而余亦母喪闋才一月
勉復弄筆未能成聲

李郎斷夢無尋處天姥峯沈落照間一卷臨風開不得兩人紅

淚涇青山

咏史

金粉東南十五州，萬重恩怨屬名流。
牢盆狎客操全算，團扇才人踞上游。
避席畏聞文字獄，著書都爲稻粱謀。
田橫五百人安在，難道歸來盡列侯。

乙酉臘見紅梅一枝思親而作時小客崑山

一十四年事，胸中益益春。
南天初返櫂，東閣正留賓。
全家南下之歲迄今

十有四年芳意驚心極，愁客入夢頻。
嬌兒才竟盡，不賦早梅新。

絳蠟高吟者，年年哭海濱。
明年除夕淚灑作北方春。
冊在人間百事予不

知也記丙子至戊寅三除夕燒蠟雨
枝供紅梅牡丹各一枝讀漢書竟夜
天地埋憂畢舟車祖道頻

明春復入都矣何如裛冰雪長作墓廬人
杭州墓上植梅五十本

乙酉除夕夢返故廬見先母及潛氏姑母

門內滄桑事三人隱痛深淒迷生我處宛轉夢中尋窗外雙梅
樹牀頭一素琴醒猶聞絮語難謝九原心余以乾隆壬子生馬
坡巷先大父中憲公
戊申年歸田所買宅也今他人有之

丙戌

乙酉十二月十九日得漢鳳紐白玉印一枚文曰綰仔
妾趙旣爲之說載文集中矣喜極賦詩爲寰中倡時丙

戌上春也

寥落文人命中年萬恨并天教彌缺陷喜欲冠平生掌上飛仙
墮懷中夜月明自夸奇福至端不換公卿

入手消魂極源流且莫宣姓疑鉤弋是人在兩華先暗寓拚飛

勢休尋德象篇定誰通小學或者史游鑄孝武鉤弋夫人亦姓
趙氏而此印末一字

爲鳥篆鳥之啄三鳥之趾一故知隱寓其號矣德象篇班婕妤
所作史游作急就章中有絕字碑本正作綰史游與飛燕同時

定盦文集補上卷

故云

夏后名華刻周玉重璧臺似書無拓本姬室有荒苔小說冤誰

雪靈蹤悶忽開

嘗論西京雜記出六朝手所稱漢人語多六朝語未可信客曰得印所以報也

更經千

萬壽永不受塵埃

玉純白不受土性

引我飄飄思他年能不能狂臚詩萬首

錢謙益中作者爲詩

高供閣三

層拓以甘泉瓦然之內史燈

內史弟五行燈亦子所藏

東南誰望氣照耀玉

山稜

予得地十笏於玉山之側擬構寶燕閣它日居之

紀遊

春小蘭氣淳湖空月華出未可通微波相將踏幽石一亭復一

亭亭中乍曛黑千春幾輩來何況嬋媛客離離梅綻蕊皎皎鶴

梳翻鶴性忽然馴梅枝未忍折竝坐戀湖光雙行避蘇跡低咳

有誰窺小語畧聞息須臾四無人顏弱未工熟安知此須臾非

隸仙靈籍侍兒各尋芳自薦到扶掖光景不少留羣山媚眼色
城闌催上燈香與芹煙陌溫溫懷青志曖曖胸臆及祇愁洞房
中餘寒在鴛屨

後遊

破曉霜氣清明湖飲寒碧三日不能來來覺情瑟瑟疏梅最淡
冶今朝似愁絕尋常落蘚痕步步生悵惻寸寸蚶膠枝幾枝捫
手歷重重燕支蕾幾朶桂釵及花外一池冰曾照低鬟立彷彿
衣裳香猶自林端出前度未吹簫今朝好吹笛思之不能言捫
心但先熟我聞色界天意癡雖言說攜手或相笑此樂最爲極
天法吾已受神親形可隔持以語梅花花領畧如石歸途又城
闌朱門敞還入袖出三四華敬報春消息

夏進士詩

我欲補諡法曰冲暨曰淳持此當諡誰夏璜錢唐人
我生有朋友十六識君始我壯之四年君五十一死
君熟于左氏隻字誦無遺下及廿二史名姓胸臆縷
形亦與君忘神亦與君忘策左五百事賭史三千場
識君則在北哭君在杭州時乙酉既臘西湖寒不流
作夏進士詩名姓在吾集如斯而已乎報君何太啻

京師春盡夕大雨書懷曉起東北隣李太守

威

吳舍人

嵩梁

春風湯湯春浩浩生人死人滿春抱死者周秦漢晉纔幾時生
者長吟窈窕天之涯閉門三日欲腸斷山桃海棠落皆半東皇
離然下春霞西隣舍人既有惓惓詞對門太守禪定亦惱亂大
守置酒當春空舍人言愁愁轉工三人文章乃各異心靈惻愴

將研同文章之事蔑須有心靈之事益負蟠天際地能幾時
萬恨沈暉向誰咎歸來春霰欲成雨春城萬家化洲渚山妻貽
我珊胡枝勸讀騷經二十五不惜珊胡碎長吟未免心肝苦不
加復飲求醪醺人飲獲醉我獲醒適然萬載難酩酊一燈幌幌
搖春屏四更急雨何曾停恍如波濤臥洞庭嗟哉此燈此雨不
可負披衣起注陰符經

有所思

妙心苦難住住卽與之期文字都無著長空有所思茶香砭骨
後花影上身時終古天西月亭亭悵望誰

美人

美人清妙遺九州獨居雲外之高樓春來不學空房怨但折梨
花照暮愁

以奇異金石文字拓本十九種寄秦編修

思復

揚州而

跋以詩

異人延年無異方能使寸田生異香食古欲醉醉欲狂娛魂快
意宜文章以代參朮百倍強秦君毫矣癖弗荒何以明我長母
忘我拓古文璆琳瑯璫以桂椒襲以紺楮精墨勻週蒙芒願君
自饒君古陽獲燕三喙芝三英

中有趙縱什印拓本一事
曼趙君魏以爲芝英篆也

公侍

姬字箸錄客亦商客其誰歟有鄭堂

以君

同聲念我北斗傍桂

樹瓏璫白晝長園亭清夏卮酒黃如作器者言詞良長生長樂
樂未央

反祈招

有序

序曰反祈招何爲而作也夫瑤池有白雲之鄉赤鳥爲美人之
地春山瑤玉異華之所目出羽陵異書之所藏凡厥數者有一

于此老焉可矣何必祇宮爲哉穆王自賦詩有之曰居樂甚寡
卽穆王實錄也夷攷王自入南鄭以還鬱鬱多故東土山川非
滿和人壽至促天譴譴盛姬返蹕道死左右旣無以爲娛車馬
所費用度不足更制餒贖以充軍國史臣以毫荒書之恩愛死
亡金錢乏絕暮氣迫于餘生醜名垂於青史貴爲天子何異鰥
民享國百年何翅朝露蓋西王母早見及此也是以其謠有之
曰將子毋死尙復能來豈非悼此樂之不重識人命之至短諷
之以留八駿之馭決之以舍萬乘之尊竊窺傷骨飄颻動心者
序穆王不悟不以樂生乃以戚死嗚呼慕虛名受實禍此其最
古者矣萬乘且然何況下士嘗以暇日讀祈招之詩翩然反之
作詩二章以貽後之自桎梏者所以祛羣言果孤往世有稿土
必曰夫龔子之志荒矣

春之厓白雲滿家寨其異華何山不可死使我東徂
春之麓白雲盈谷寨其異玉何山不可死使我東復

燼餘破麓中獲書數十冊皆慈澤也書其尾

欲遡百憂始殘書亂一堆青燈爾何壽卅載影霏微乍讀慈容
在長吟故我非收魂天未許噩夢夜仍飛

二哀詩

有序

爲謝學士

階樹

陳修撰

流

作也兩君皆以巍科不自賢謂高官

上第外有各家師友文字皆樂相親近而許貢其言說辛巳冬
迄癸未夏數數枉存余求師友有造述皆示余余僭疏古近學
術源流及勸購書皆大喜學士德量尤深莫測所至修撰開門
斐然懷更定之志殊未成而忽然以同逝命也作二哀詩時丙
成夏

讀書先望氣謝九癯而溫平生愛太傅匪徒以其孫翰林兩抗
疏志欲窺大源春華不自賞壯歲求其根誰謂尋求遲邁越柅
與藩造物吝君老一邱埋蘭蓀

讀書先審器陳君虛且深榮名知自鄙聞道以自在聞道豈獨
難信道千黃金遂使山川外某某盈君襟幸哉有典則惜哉未
酣沈手墨浩盈把甄菹難爲心

祭程大理

同文

於城西古寺而哭之

憶昔

先皇已末年家公與公相後先家公肅肅公跌宕斜街老屋長
嬴天閨中名德絕天下

吳致
夫人

鳴琴說詩鏘珮瑱卅年父執朝士

盡回首髻卅中悵悵

姬劉皆世太史氏公乃崛起孤根中公才什伯古太史曰那有

獻獻有宗英文鉅武鬱浩洵天圖地碣森龍從賤子不文復不達媿彼後哲稱程龔

北斗真人返大荒彭鏗史佚來趨踰借書不與上天去天上定

有千縹緗

子與公辛壬間相借書無虛日

天上豈無一尊酒爲我降假僚友旁

掌故雖徂元氣在仰窺七曜森光芒

投李觀察

宗傳

吏治緣經術千秋幾合并清時數人望依舊在桐城肅穆眞儒氣沈雄壯歲名汪汪無盡意對面卽滄

賦憂患

故物人寰少猶蒙憂患俱春深恆作伴宵夢亦先驅不逐年華改難同逝水徂多情誰似汝未忍託禳巫

丙戌秋日獨遊法源寺尋丁卯戌辰間舊遊遂經過寺

南故宅惘然賦

法年裂秋心秋高屢逃塾宕往不可收聊就寺門讀春聲滿秋
空不受秋束縛一叟尋聲來避之入修竹叟乃歎古笑爛漫晉
宋隸寺僧雨侮之謂一猿一鶴歸來慈母隣摩我百怪腹言我
衣裳涼飼我芋栗熟萬恨未萌芽千詩正珠玉醺醺心肝淳莽
莽憂患伏浩浩友干名湯湯人鬼籙依依燈火光去去門巷曲
魂魄一恂怳逕欲叩門宿千秋萬歲名何如小年樂叟爲金壇設清標吾
性之叔
父也

秋心三首

秋心如海復如潮但有秋魂不可招漠漠鬱金香在臂亭亭古
玉佩當鬻氣寒西北何人劍聲滿東南幾處簫斗大明星爛無
數長天一月墜林梢

忽筮一官來闕下衆中俛仰不材身
新知觸眼春雲過老輩填胸夜雨淪
天問有靈難置對陰符无效勿虛陳
曉來客籍差夸富無數湘南劍外民

我所思兮在何處胸中靈氣欲成雲
槎通碧漢無多路土蝕寒花又此墳
某水某由述姓氏一釵一佩斷知聞
起看歷歷樓臺外窈窕秋星或是君

同年生徐編修寶善齋中夜集觀其六世祖健庵尙書
遂園修禊卷子康熙三十年製也卷中凡二十有二人
遂園在崑山城北廢趾余嘗至焉編修扇書卷尾

崑山翰林召詞客酒如淥波燈如雪
八人忽共遊康熙二十二賢照顏色
七客沈吟一客言請言君家之遂園
一花一石有款識袖中拓本春煙昏
背煙酹起尙書魂

二十二賢不可再玉山峩峩自千載京南文獻嗣者誰別之綜
之仰有待布衣結客宴自尊流連卿等多酒痕十載狂名掃除
畢一邱倘遂行閉門以屬大人君子孫康熙朝士評三徐曰公
肅仁人君子健庵大人
君子果亭
正人君子

墮一齒戲作

與我相依卅五年論文說法賴卿宣感卿報我無常信墮向垂
垂花樹邊

寒月吟有序

寒月吟者龔子與其婦何歲暮共幽憂之所作也相喻以所懷
相勗以所尚鬱而能暢者也

夜起數山川浩浩共月色不知何山青不知何川白幽幽東南
隅似有偕隱宅下南一以望終戀杭州路城裏雖無家城外卻

有墓相期買一邱毋遠故鄉故而我屏見聞而汝養幽素舟行
百里間須見墓門樹南向發此言恍欲雙飛去

雙飛去未能月浸衣裳溼秋焉靜念之勞生幾時歇勞者本庸
流事事之定識朴愚傷于家放誕忌於國皇天誤矜寵付汝憂
患物再拜何敢當藉以戰道力何期閨閣中亦荷天眷別多難
淬心光黽勉共一室憂忠吾故物明月吾故人可隱不偕隱有
如月一輪心迹如此清容光如此新

我讀先秦書萊子有逸妻閨房以逸傳此名蹈者希勿慕厥名
高我知厥心悲定多不傳事子孫無由知豈但無由知知之反
連涕羞登中壘傳恥勒度尙碑一逸處思難所全浩無涯一逸
謝萬古冥冥不可追示君讀書法君慧肯三思

我生受之天哀樂恆過人我有平生交外氏之懿親自我慈母

死誰饋此翁貧江關消息生死知無因八十罹飢寒雖生猶
繆民昨夢來啞啞心肝何清真翁自須髮白我如髻卅淳夢中
既觴之而復留遮之挽須搔爬之磨墨掄擲之呼燈而燭之論
文而譁之阿母在旁坐連連呼叔耶今朝無風雪我淚浩如雪
莫怪淚如雪人生思幼日

謂金壇段玉立字清標爲
外王父段若膺先生之弟

侵曉隣僧來饋我佛前粥其香何清嚴臘供今年足我因思杭
州不僅有三竺東城八九寺寺寺皆修竹何年捨家去慧業改
所託掘筍慈風園參茶東父屋鐘魚四圍靜掃地潔如沐白晝
爲之長倦骸爲之肅供黃梅一枝朝朝寫圓覺

慈公深於相宗
錢居士東父則

具教律禪淨四
門乃吾師也

丁亥

元日書懷

癸秋以前爲一天癸秋以後爲一天天亦無母之日月地亦無母之山川孰羸孰絀孰付予如奔如雷如流泉從茲若到歲七十是別慈親廿九年

癸未失恃三十二歲日者謂予當七十一歲

退朝遇雪車中忽然有懷吟寄江左

青瑣門邊雪還疑海上看花花萬行樹鶴鶴一間官幽想忽飛去無由生彩翰江東謝道韞憶我早朝寒

撰羽琤山館金石墨本記成弁端二十字

坐耗蒼茫想全憑瑣屑謀羽琤山不見萬軸替人愁

自寫寒月吟卷成續書其尾

曩者各不死多生業未空天仍磨慧骨佛倘鑒深功意識千秋上光陰八苦中卽將良友待落落亦高風

婆羅門謠

婆羅門來西胡勇不如宗喀巴智不如耶蘇繡衣花帽白若鵲
鳬娶妻幸得陰山種玉顏大腳其仙乎女兒十五賣金線歸來
洗手禮曼殊禮曼殊膜額角天見膜額角地見斷牛肉地不湧
諂藥叉天不降佞羅刹曼殊大慈悲大吉祥千年大富萬年樂
同年生吳侍御傑從請唐陸宣公從祀謚宗得

俞旨行侍御屬同朝爲詩以張其事內閣中書龔自珍獻侑
神之樂歌

麻在

聖清君師天下提命有位暨於耄士以古爲矩孰爲臣鑒孰師
表汝甄綜祭法於孔之廡

唐步方中主饋臣龔天將聰明之乃生陸公天厚有唐降三代
英而左右德宗如仲山甫納言姬邦

聖源既遠其流反反坐譚性命其語喧喧喧喧斷斷其徒百千
何施於家邦何裨於孔編小大稽首以懷犧牲

御史臣傑職是標舉曰聖之的以有用爲主炎炎陸公三代之
才求政事在斯求言語在斯求文學之美豈不在斯

我有耄士執籩受膳毋過貌儒之門我告耄士暨百有位木無
二本川無二原道無二歧請以一貫之名臣是師

自春徂秋偶有所觸拉雜書之湯不詮次得十五首

道力戰萬籟微芒課其功不能勝十心安能勝蒼穹相彼鸞與
鳳不栖枯枝松天神倘下來清明可與通返聽如有聲消息鞭
愈聾死我信道篤生我行神空障海使西流揮日還於東

黔首本骨肉天地本比隣一髮不可牽牽之動全身聖者胞與
言夫豈誇大陳四海變秋氣一室難爲春宗周若蠹蝨縹緲燒

爲塵所以慨慷士不得不悲辛看花憶黃河對月思西秦貴官
勿三思以我爲杞人

名理孕異夢秀句鐫春心莊騷兩靈鬼盤踞肝腸深古來不可
兼方寸我何任所以志爲道澹宕生微吟一簫與一篴化作太
古琴

我有秦時鏡窈窕龍鸞痕我有漢宮玉觸手猶生溫我有墨九
行驚鴻若可捫玉皇忽公道奇福三至門欲供三炷香先消萬
古魂古春伴憂患詰屈生酸醢且捐三千本贈與人間存

朝從屠沽遊夕拉騶卒飲此意不可道有若茹大鯁傳聞智勇
人傷心自輟影蹉跎復蹉跎黃金滿虛牝匣中龍劍光一鳴四
壁靜夜夜輒一鳴負汝汝難忍出門何茫茫天心曠其逞旣窺
豫讓橋復瞰軹深井長跪奠一卮風雲撲人冷

造化大癡痔斯言韓柳共我思文人言母乃太驚衆儒家守門
戶家法毋徇從事天如事親誰云小兒弄我身我不有周旋折
旋奉不然命何物夏后氏特重亦有衛武公靡樂在矇誦智慧
固不工趨避矧無用一日所履歷一夕自甄綜神明甘如飴何
處容隱庸沈沈察其幾默默課於夢少年黽語多斯言粹無雜
患難汝何物吃者爲汝動

我主愛前輩匪盡獲我心論交少年場歲月逝駸駸少年太飛
揚由哀樂不深礪礪聽高譚有諦難爲尋風霜欺脆枝金石成
苦音前輩卽背謬厥謬亦沈沈

弱齡羨高隱端居媚幽獨晨誦白駒詩相思在空谷稍長誦楚
些招魂招且讀陳爲樂之方巫陽語何縹嘉遯苦大清行樂苦
太濁願言核歌鐘來就伊人躅天涯當蘭蕙吾心當邱壑蹉跎

復蹉跎芳流兩寂寞忽忽生遐心終朝調金玉

一代功令開一代人材起雖生雲初朝實增祖宗美日開國之
留其言在青史何代無先君何時無哲士煌煌祖宗心斯人獨
稱旨天姿若麟鳳宏加以切劘稽古有遙源遵王無夢軌在昔
與先民三稱口容止少壯心力殫匪但求榮仕有高干載心爲
本朝瑰瑋人或玷功令功令不任誹屋漏胎此心九廟赫在咫尺
天步其艱哉光祿鍾難恃育氣六合來初日照濛汜抱此葵藿
孤斯人拙無比一夫起耨之萬夫孰指使一夫怒用目萬夫怒
用耳目怒恬猶可耳怒殺我矣去去亦何求買山請歸隱不先
百年生難向蒼蒼理簪書落人間高名亦難毀其言明且清胡
由妬神鬼大藥可延年名山可送死死生竟何憾將毋九廟恥
蘭臺序九流儒家但居一諸師自有真未肯附儒術後代儒益

尊儒者顏益厚洋洋朝野間流亦不止九不知古九流存亡今孰多或言儒先亡此語又如何

壽短苦心長心緒每不竟豈徒庸庸流貴志有賢聖爲鬼那能續七生渺茫更所以難放達思得賢子孫繼志與述事大哉孝之源長夜集百端蚤起無一言倘能心親心卽是續親壽呼兒將告之肅然先自疚

中平何寡歡心緒不縹渺人事日齷齪獨笑時頗少忽憶姚歸安錫我箴銘早雅俗同一源盍向源頭討汝自界限之心光眼光小萬事之波瀾文章天然好不見六經語三代俗語多孔一以貫之不一待如何實悟實證後無道亦無魔

曉枕心氣清奇淚忽盈把少年愛側悱芳意婢幽雅黃塵傾洞中古袞不可寫萬言摧燒之奇氣又瘖啞心死竟何云結習幸

天道古如此知之何晚歟不知段

清標

與李

復軒茂才

今夕復何如

歌筵有乞書扇者

天教僞體領風花一代人材有歲差我論文章恕中晚畧工感慨是名家

夢中作

不是斯文擲筆驕牽連姓氏本寥寥夕陽忽下中原去笑詠風花殿六朝

僞鼎行

皇帝七載青龍兩於丁招搖西指爰有僞鼎爆裂而砰礧孺子啜泣相告繇妾駭驚龔子走視碎如琉璃一何脆且輕孤離疥癩百醜千怪如野干形厥怒虎虎不鳴如有聲然而無有頭目卓午不受日當夜不受月與星徒取雲雷傳汝敗泰朽壤將以

盜羶腥內有饕餮之饒腹外假渾沌自晦逃天刑四凶居其二
帝世何侮主人之仁不汝埋榛荆俾登華堂函牛羊垂四十載
左揖琴鐘右與廣鑊井主人不厭數汝汝宜自憎福極而碎碎
如琉璃脆且輕東家有飲器昨墮地碎聲嚶嚶西家有屠狗甕
今日亦墮地不可以盛千年決無土花蝕萬年弔古之淚無由
生吁寶鼎而碎則可惜斯鼎而碎今於何取榮名請詆龔子偽
鼎行

四言六章 有序

龔子掃徹悟禪師增作也在西直門外紅螺寺

悠悠生民孰不有覺孰知固然孰知生之靡樂 其一

孰爲大人蟠物之先以閭以引引我生民 其二

吁嗟小子聞道不遲造作辨聰百車文詞電光燧來一貧無遺

不可捉搦條既逝而

其三

啼其逝矣不可恃矣恃先覺之言其言明明無言不售無謀不

成無堅不摧以斬西生

其四

先覺誰予西山徹公我受之東父以來報功云何報功余左挈

東父右隨慈公又挾江子四人心同以旅於西邦

浙居土錢東父吳中居士

江鐵君慈風和上與子四人者皆奉徹公書篤信讚歎

其五

既至於西西人浩浩余慈母在焉迎予而勞各知其夙而無憶

悼遐哉邇哉孰肯不到亦惟徹公是報

其六

定盦文集古今體詩卷上終

定盦餘集

仁和龔自珍璉人撰

古今體詩下卷

破戒草之餘

辛巳

周信之明經

中孚

手拓吳興收藏家吳晉宋梁四朝甄

文八十七種見貽賦小詩報之

人間漢甌有五鳳廣陵尙書色爲動

阮公

十笏黃金網致回歐

陽欲語瘖猶夢

歐陽公嘗恨平生見東漢人字多見西漢字少

西京氣體誰比隣下有

六代之芳塵我生所恨與歐異但恨金石南天貧

嘗著錄吳東晉宋齊梁陳

六代金石刻不過十種而

非金非石非誅諡獸面魚形錯文字

北魏北齊北周乃十倍之

梁上清真人許君館壇碑顧亭林猶見拓本今人間無片楮矣

偏強偏殊國

清華想見館壇碑

赤烏甄字勢絕

山制不與國山碑同君言解饒良不惡通人識小聊爲樂

金石

錄翠墨淋漓繭紙香余亦裝潢腰瘞鶴凡著錄六朝石刻以瘞鶴銘爲殿而甄文

則又爲就中吉語紛蟬媽作詩謝君君慨然生兒且覓二千石
附見矣
亦輒出地何愁八百年
舊蓄王大令保母輒拓本文語有後八百載君子知之語

吳市得舊本制舉之文忽然有感書其端

紅日柴門一丈開不須踰濟與踰淮家家飯熟書還熟羨殺承
平好秀才

耆舊辛勤伏案成當年江左重科名郎君座上譚何易此事人
間有正聲

國家治定功成日文士關門養氣時乍洗蒼蒼莽莽態而無佞
儂恫恫詞

刻畫精工直萬錢青燈幾輩細丹鉛南山竹美蘭膏賤累我神

遊百廿年
以康熙三十年鐫成丹鉛之徒亦必康熙前輩矣

蕭縣顧椒坪工詩隱於逆旅恆自劉芻秣同過客乞留

詩欲陰以物色天下士亦留一截句

詩人蕭縣顧十五馬後譚詩世罕聞如此深心如此法奈何長

作故將軍

顧嘗仕

小遊仙詞十五首

歷劫丹砂道未成天風鸞鶴怨三生是誰指與遊仙路抄過蓬萊隔岸行

九關虎豹不譏訶香案偏頭院落多賴是小時清夢到紅牆西去卽銀河

玉女窗中梳洗成隔紗偷眼大分明侍兒不敢頻頻報露下瑤階溼姓名

珠簾揭處佩環搖親荷天人語碧霄別有上清諸女伴隔窗了了見文簫

寒暄上界本來希不怨仙官識面遲
僊倖梁清一私語回頭還恐歲星疑

雅謎飛來半夜風
鼇山徒侶沸春空
頑仙一覺渾瞢過不在魚龍夢羨中

丹房不是湯相容
百劫修成忍辱功
幾輩凡胎無覓處仙姨初家可憐蟲

露重風多不敢停
五銖衫子出雲屏
朝眞袖屨都依例第一難箋瓊珞經

不見蘭旌與桂旌
九歌吹入鳳皇簫
雲中攢手誰相送依約湘君舊姓姚

仙家鷄犬近來肥
不向淮王舊宅飛
卻踞金牀作人語
背人高坐著天衣

諦觀眞話久徘徊仙緒同功一繭裁姊妹勸書塵世字莫隨倉
頤不仙才

秘籍何人領九流一編鴻寶枕中抽神光照見黃金字笑到仙
人太乙舟

金屋能容十種仙春嬌簇簇互疑年我來敢恨初挑窄曾有人
居大梵天

吐火吞刀訣果眞雲中不見幻師身上方倘有東黃祝先乞靈

符制電神

電神姓李
見神仙鑑

衆女蛾眉自尹邢風鬟露髻覺伶俜捫心半夜清無寐媿負銀
河織女星

野雲山人惠高句驪香其氣和澹詩酬之

但來箕子國都識畫師名云是王宮物申之異域情和知邦政

羨澹卜主心清爲報東華侶何人訟客卿

是年東國上書辨官書中紀其世系有誤

語侍婉至

王午

歌哭

閱歷名場萬態更原非感慨爲蒼生西隣弔罷東隣賀歌哭并賢較有情

送南歸者

布衣三十上書回揮手東華事可哀且買青山且斂臥料無富貴逼人來

薦主周編修

貽徽

屬題尊甫小像獻一詩

科名幾輩到兒孫道學宗風畢竟尊我作新詩侑公笑祝公家

法似谿門

陳文恭公其鄉先輩也

癸未

午夢初覺悵然詩成

不似懷人不似禪夢回清淚一潸然
瓶花帖妥爐香定覓我童心廿六年

三別好詩

有序

余於近賢文章有三別好焉雖明知非文章之極而自暑年好之至於冠益好之茲得春三十有一得秋三十有二自揆造述絕不出三君而心未能舍去以三者皆於慈母悵外燈前誦之吳詩出口授故尤纏綿於心吾方壯而獨遊每一吟此宛然幼小依鄰下時吾知異日空山有過吾門而聞且高歌且悲啼雖然交作如高宮大角之聲者必是三物也各系以詩

莫從文體問高庠生就燈前兒女詩一種春聲忘不得長安放

學夜歸時

右題吳駿公梅邨集

狼藉丹黃竊自哀高吟肺腑走風雷不容明月沈天去卻有江

濤動地來

右題方百川遺文

忽作冷然水瑟鳴梅花四壁夢魂清杭州幾席鄉前輩靈鬼靈
山獨此聲

右題宋左彝學古集

渴感

絕域從軍計惘然東南幽恨滿詞箋一簫一劍平生意負盡狂
名十五年

夜坐

春夜傷心坐畫屏不如放眼入青冥一山突起邱陵妬萬籟無
言帝坐靈臺上似騰奇女氣江東久霞少微星平生不蓄湘纍
問喚出姮娥詩與聽

沈沈心事北南東一睨人材海內空壯歲始參周史席鬢年情
墮晉賢風功高拜將成仙外才盡廻腸盪氣中萬一禱關書然
破美人如玉劍如虹

人草藥

陶師師媧皇博士戲爲人或則頭帖帖或則頭顙顙丹黃粉墨
之衣裳百千身因念造物者豈無屬稿辰茲大僞未具媧也知
艱辛磅礴匠心半爛斑土花春劇場不見收我固憐其真諡曰
人草藥禮之用上賓

丙戌

夢中述願作

湖西一曲墜明璫獵獵紗裙荷葉香乙貌風鬟陪我坐他身來

作水仙王

第三句一作許
借卿卿從祀我

釋言四首之一

東華環顧婉羣賢悔著新書近十年木有彩彰曾是病蟲多言語不能天暑耽掌故非劬濟敢矜心期在簡編守默守雌容努力毋勞上相損宵眠

同年生胡戶部

培輩

集同人祀漢鄭司農於寓齋禮既

成繪爲卷子同人爲歌詩龔自珍作祀議一篇質戶部戶部屬櫬括其指爲韻語以諧之

我稽十三經名目始南宋異說北海君先期適兼綜詩箋附庸毛易爰辰無用尙書有今文集義餽貧送四辨餽堯典三江餽禹貢魯論與孝經逸簡不可詆爾雅賸一麟引家亦撫弄排何發墨守此獄不可訟吾亦姑置之說長恩驚衆惟有孟七篇千秋等塵封我疑經籍志著錄半虛哄義與歆恭違下筆費彌縫

何況東漢年此書未珍重余生惡周禮攷工特喜誦封建馭子
與心肝爲隱痛五帝而六天誕妄識所中同時有四君偉識引
余共堂堂十七篇姬公發孔夢經文純金玉注義峙麟鳳吾曹
持議平功罪勿枉縱鄭功此弟一千秋合崇奉鄭兼治十三經人問完本有詩
三禮輯錄木有箴膏肓起廢疾發墨守易書會論孝經兩雅注也孟子注見隨經籍志隨志殆未可信莊君綬甲宋君翔鳳劉君逢祿張君贊昭言封建皆信孟子疑周禮海內四人而已張說爲尤悲也

丁亥

春日有襄山中桃花因有寄

東風林浪卷海來長安人道青春迴春迴不到窮巷裏忽憶山
中花定開山中花開白日皓皓明妝子誰溫磨清妙夕發熏盧
檮蕙塵朝槭清淚郵遠人粉光入墨墨光膩昨日正得江南鱗
葆君青雲心勿吟招隱吟花開歲歲勿相憶待君十戰來重尋

我有禽君詩殷勤兼報桃花知勿惜明鏡光爲我分光照花枝
勿惜頰面水爲我浴花傾臙脂但惜芳香珍重之幽意勿使滿
園胡蝶窺託君千萬詞詞意不可了長安桃李漸漸明何似春
山此時好春縱好山寂寂清琴玉壺罷消息蠟燭彈棋續何夕
安能坐此愁易春不如歸侍妝臺側

菩薩墳

有序

菩薩墳者亦曰公主墳遼聖宗第十女墓也小字菩薩未嫁而
死遼史無傳北方海棠少此地始生之自是海棠之盛逾於江
國上人因以海棠諡主云墳在西山無相寺

菩薩葬龍沙魂歸玉帝家餘春照天地私諡亦高華大脚鸞文
勒明妝豹尾車南朝人未識拜殺斷腸花

太常仙蝶歌

有序

太常仙蝶士大夫知之稔矣曷爲而歌之蝶數數飛入姚公家
吾歌爲姚公也姚公者太常少卿仁和姚公祖同也爲大吏
歷五省易事難說見排擠不安其位公嶽立不改雖投閒人忌
之者尙衆異哉蝶能識當代正人不惟故實之流傳而已吾歌
以紀之且招蝶也

恭聞故實太常寺蝶壽三百猶有加銜玉皇之明詔視臺閣猶
煙霞不聞願見不許見矧聞飛入太常家本朝太常五百輩意
者公其飛仙之身耶仙人正人事一貫天上豈有仙奸表所以
公立朝人不識仙靈識公非誣夸慰此蹇蹇其來衙衙感德輝
而下上助靈思之紛拏我聞此事就公求茶道餽十丈不敵童
心一車鸞漂鳳泊咄咄發空喟雲情煙想寸寸凌幽遐人生百
祥縹渺罕竝有何必中秋兒女覩璧月之流華玉皇使者誠我

否寓園亦在城之涯幽夏靈氣怒百倍相思遲汝五出紅梨花

子寓齋紅梨花一樹
京師無其雙也

世上光陰好

世上光陰好無如繡閣中靜原生智慧愁亦被鴻濛萬緒含淳
待三生設想工高情塵不滓小別淚能紅玉茁心苗嫩珠穿耳
性聰芳香箋疊譜曲盈數窗櫺遠樹當山看雲行入抱空枕停
如願月扇避不情風書漏長千刻宵缸夢幾通德容師窈窕字
體記玲瓏朱戶春暉別蓬門淑晷同百年辛苦始何用嫁英雄

投錢學士

林

晚達高名大隱身對門蹤迹各清真恍逢月下騎鸞客何處容
他啖肉人

顧丈

千里

得唐肅宗書順陵碑遠自吳中見寄余本以

南北朝磨厓各一種懸齋中得此而三書於頓尾

南書無過瘞鶴銘北書無過文殊經忽然二物相顧啞排闥一

丈蛟龍青

久殊經在山東水牛山

唐二十帝帝書聖合南北手爲唐刑主會見二物皆部走召伯虎

敦赫在庭

召伯虎敦百有三名余所獲器也

人初一日投牒更名易簡

匪慕宋朝蘇易簡翻似漢朝劉更生從此請歌行路易萬緣簡盡罷心兵

崇州高材篇送丁若士

履恆

丁君行矣龔子忽有感聽我擲筆歌常州天下名士有部落東

南無與常匹儔我生乾隆五十七晚矣不及瞻前修外公門下

賓客盛

謂金壇談先生

始見臧

在東顧述

來哀哀奇才我識憚伯子絕學

我識孫季逯最後乃識掌故趙

味

辛猷以十詩趙畢酬三君折節

遇我厚我益喜遂常人游乾嘉輩行能悉數數其派別徵其尤

易家人人本虞氏懿緯戶戶知何休聲音文字各竅奧大抵鐘

鼎工冥搜學徒不屑譚賈孔文體不甚宗韓歐人人妙擅小樂

府爾雅哀怨聲能適近今祔學乃大盛泰西客到攻如讐常人

尙欲問常故異時就我來諮諏勿數耨盡數平輩蔓及洪

孟慈

孝卿張翰

周伯

其餘鼎鼎八九子奇人一董

方

立先卽邱所恨

不識李夫子

申

南望夜夜穿雙眸曾因陸子

神

屢通訊神交何

異雙綢繆識丁君乃二十載下上角逐忘春秋丁君行矣龔子

忽有感一官投老誰能留珠聯璧合有時有一散人海如鳬鷗

意才人學人一散人海如鳬鷗明日獨訪城中劉

申受

秋夜花游

海棠與江離同豔異今古我折江離花間以海棠嫵狂呼紅燭
來照見花雙開恨不稱花意踟躕清酒盃酒盃情復深秋十多
春心且遣秋花妬毋令秋魄沈云何學年少四座花齊笑躑躅
取鳴琴彈琴置當抱靈雨忽滂沱仙真窗外過雲中君至否不
敢問星娥

猛憶

狂臚文獻耗中年亦是今生後起緣猛憶兒時心力異一燈紅
接混沌前

銘座詩

精微惚恍少所樂兮躬行且踐壯所學兮曰以事天敢不諧兮
事無其耦住靡樂兮人無其朋孤往何索兮借瑣耗奇嗜好託
兮浮湛不返狗流俗兮吁瑣以耗奇兮不如躬行以耗奇之約

今迴念故我在寥廓兮我詩座右榮我獨兮

東陵紀役三首

天倪嶺音在 龍飛故劍亡

兩宮儀斐疊七萃淚淋浪鬱律川原勢低徊葆吹長東行三百里何處白雲鄉

帝子華年小初弦寶月沈端嫺三肅禮憫動 六宮深徒殯飛秋雪迎神下彩禽松楸依在咫慈孝萬年心

閣事疎朝請

君恩許看山日銜星宿去袖拂鳳皇還望眼將連海詩聲欲過關雲旗風馬陳旬日夢魂間

李中丞

宗瀚

家獲觀古拓隨丁道護書啟法師碑狂書

一詩

羽琤山館三百墨妬君一紙葵花色何不贈歸羽琤山置之漢
玉秦金側

九月二十七夜夢中作

官梅只作野梅看似是宋句月地雲階一倍寒翻是桃花心不死春
山佳處淚闌干

夢中作四截句十月十三夜也

拋卻湖山一簾秋人間無地署無愁忽聞海水茫茫綠自拜南
東小子侯

黃金華髮雨飄蕭六九童心尙未消叱起海紅簾底月四廂花
影怒於潮

恩仇恩仇日苦短魯戈如麻天不管賓客漂流半死生此公又
樂忘憂館

一例春潮汗漫聲月明報有大珠生紫皇難慰花遲暮交與鴛鴦
鴛鴦不平

定盦餘集古今體詩卷下終

余自庚辰之秋戒爲詩於發語言簡思慮之指言之詳然不能
堅也辛巳夏快藩地爲之至丁亥十月又得詩二百九篇自目
周以迄近代之體皆用之自雜三四言至雜八九言皆用之不
自割棄而又銓次之錄百二十八篇爲破戒草一卷又依乙亥
庚辰兩例存餘集凡五十七篇亦一卷大凡錄詩百八十四篇
刪勿錄者尙百五篇錄詩則以掃徹公擒詩終乃矢之曰余以
年編詩閱歲名十有八自今以始無詩之年請更倍之惟寄戒
之故使我壽考汝如勿悛勿自損也俾無能壽考於而身至於
頽世汝亦不以詩聞有如徹公

道光七年丁亥十月丁亥龔自珍一名易簡伯定父自識

翌日付小胥抄越十有三日己亥竣得三十六紙如其戒詩之
手定公又識